

**BOSNA I HERCEGOVINA  
FEDERACIJA BOSNE I HERCEGOVINE  
KANTON SARAJEVO  
JU „Djeca Sarajeva“**

**Broj: 07-01-925/21  
Sarajevo, 29.11.2021.godine**

**Na osnovu člana 70. stav (1) i člana 70. stav 1.,2., 3. i 6.Zakona o javnim nabavkama Bosne i Hercegovine (“Službeni glasnik BiH”, broj 39/14), na preporuku Komisije za javne nabavke br: 07-01-924/1/21 od 29.11.2021. godine, v.d direktor Javne ustanove “Djeca Sarajeva” donosi**

**O D L U K U**

**O IZBORU NAJPOVOLJNIJEG PONUĐAČA**

**I**

*Prihvata se preporuka Komisije za javne nabavke br: 07-01-924/21 od 29.11.2021.godine i okvirni sporazum za javnu nabavku JN 3/4/21 Radovi – Izrada i montaža požarnih stepenica u vrtiću Bulbuli za 2021.godinu, dodjeljuje se ponuđaču „Fadž Company “ doo Sarajevo, za ponudenu cijenu od 50.792,50 KM bez PDV-a, kao najbolje ocijenjenom ponuđaču u okviru sprovedenog postupka nabavke.*

**II**

*Ugovor o nabavci dostaviti će se na potpis izabranom ponuđaču, po protoku roka od 10 dana, računajući od dana kada su svi ponuđači obavješteni o izboru.*

**III**

*Ova Odluka objavit će se na web stranici [judjecas@gov.ba](mailto:judjecas@gov.ba), istovremeno sa upućivanjem ponuđačima koji su učestvovali u postupku javne nabavke, shodno članu 70. stav (6) Zakona o javnim nabavkama.*

**IV**

*Ova Odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, shodno članu 71 stav (2) Zakona o javnim nabavkama.*

**V**

*Za izvršenje ove Odluke zadužuje se Služba nabavke, distribucije i održavanja.*

**VI**

*Ovom Odlukom stavlja se van snage Odluka o izboru najpovoljnijeg ponuđača br:07-01-890/21 od 18.11.2021.g.*

**Obrazloženje:**

*Postupak javne nabavke pokrenut je Odlukom o pokretanju postupka javne nabavke br.07-01-836/21 od 05.11.2021.godine. Javna nabavka je provedena putem konkurentskog zahtjeva. Procijenjena vrijednost nabavke bez PDV-a je 34.188,04 KM. Obavijest o javnoj nabavci objavljena je na Portalu javnih nabavki br:702-1-153-3-46/21. Komisija za javnu nabavku imenovana je Odlukom: 07-01-838/21 od 05.11.2021.godine. Komisija za javnu nabavku dostavila je Zapisnik o ocjeni ponuda br:07-01-889/21 od 18.11.2021.godine koji se smatra Izvještajem o radu Komisije i preporuku o izboru*

najpovoljnijeg ponuđača, u postupku javne nabavke JN 3/4/21 – **Izrada i montaža požarnih stepenica u vrtiću Bulbuli za 2021.godinu**. Utvrđeno je da je Komisija za javnu nabavku blagovremeno i pravilno izvršila otvaranje i ocjenu prispjelih ponuda, o čemu je sačinila odgovarajuće zapisnike, u kojima je utvrđeno sljedeće:  
-da je broj prispjelih ponuda 3 (tri) i to ponude:

1. ZZ Gros Comp doo
2. Dinalsa doo
3. Fadž Company doo

-da su prispjele ponude blagovremene.

Formalno-pravno ispravne su ponude ponuđača Fadž Company doo i Dinalsa doo..  
Formalno-pravno neispravna je ponuda ponuđača ZZ Gros Comp.

**Razlozi za odbijanje ponude ponuđača ZZ Gros Comp su sljedeći:**

Tenderskom dokumentacijom na str.5 stoji:

### **3. Tehnička i profesionalna sposobnost**

- a) Ponuđač je u skladu sa članom 49. ZJN dužan dostaviti spisak izvršenih ugovora u skladu s članom 48. stav 2. ZJN a koji su u vezi sa predmetnom nabavkom, za period ne duži od tri godine ili od datuma registracije, odnosno početka poslovanja, ako je ponuđač registriran, odnosno počeo sa radom prije manje od 3 godine.
- b) Ponuđač je dužan dostaviti najmanje jedan dokaz o uredno izvršenim ugovorima i taj dokaz treba biti u vrijednosti najmanje 30.000,00 bez PDV-a, i to u formi propisanoj članom 48. stav 2 i 3 Zakona o javnim nabavkama.

- Ponuđač ZZ GROS COMP je dostavio kao dokaz navedenog sljedeće potvrde:

- Potvrda Općine Novi Grad odbr:02/08-23-10712/17- vs od 19.05.2017. g u vrijednosti 70.066,99 KM

- Potvrda Općine Hadžići br:08-14-6-6342/18 od 12.07.2018.g u vrijednosti 49.339,34 KM, za radove izvršene u 2016.g

- Potvrda općine Hadžići br.08-14-6-5150/19 od 15.07.2019. g za radove izvršene u 2017.g i 2018. g.

*Shodno dostavljenom Komisija konstatuje da ponuđač nije dostavio dokaz iz tačke 3. „Tehnička i profesionalna sposobnost“ u dijelu perioda izvršenja ugovora koji se prilaže kao dokaz tačke.b, tj dokaza o uredno izvršenom ugovoru u prethodne 3 godine ili momenta registracije.*

**Komisija za javnu nabavku, je nakon ocjene ponuda po Zapisniku o ocjeni br:07-01-889/21 od 18.11.2021.g konstatirala da je ponuđač Dinalsa doo ocijenjen kao najpovoljniji, te je Preporukom o izboru najpovoljnijeg ponuđača predložen njegov izbor za predmetnu nabavku, a Odlukom o izboru ponuđača br.07-01-890/21 od 19.11.2021.g koja je dostavljena svim ponuđačima u postupku potvrđuje se njegov izbor kao najpovoljnijeg ponuđača.**

#### **NAPOMENA:**

Dana 19.11.2021.g aktom br: 0582/21 upućen je dopis od strane ponuđača Dinalsa doo Sarajevo kojim obavještavaju ugovorni organ da nisu u mogućnosti pristupiti izvođenju radova, te zbog obostrane dobrobiti saglasni su da posao preuzme drugorangirani ponuđač, tj. Fadž Company doo.

Kako je ponuda ponuđača Fadž Company doo za 16.604,46 KM (bez pdv-A) veća u odnosu na procijenjenu vrijednost radova (34.188,04 KM bez Pdv-a), bilo je potrebno dodatno odobrenje Upravnog odbora JU Djeca Sarajeva o utrošku sredstava u navedenoj vrijednosti. Upravni odbor je na svojoj sjednici održanoj dana 24.11.2021. g donio Odluku o utrošku dodatnog iznosa kako bi se radovi mogli što prije otpočeti i vrtić Bulbuli počeo sa radom.

| PODACI O NAJPOVOLJNIJEM PONUĐAČU |                                |                     |
|----------------------------------|--------------------------------|---------------------|
| 1.                               | Naziv / ime ponuđača           | Fadž Company doo    |
| 2.                               | Adresa                         | Tuneli br.30        |
| 3.                               | Ukupna cijena ponude bez PDV-a | <b>50.792,50 KM</b> |
| 4.                               | Ukupna cijena ponude sa PDV-om | <b>59.427,25 KM</b> |

*U postupku donošenja ove Odluke, posebno su cijenjene činjenice da je Komisija, pravilno i potpuno, izvršila ocjenu kvalificiranosti ponuđača te ocjenu prispjele ponude, shodno kriterijima iz tenderske dokumentacije. U postupku ocjene provedenog postupka, rukovodilac ugovornog organa nije našla razloge nepravilnosti niti propuste u radu, koji bi eventualno bili osnov za neprihvatanje preporuke Komisije za nabavku, te da je Komisija pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i tenderskom dokumentacijom.*

*Uvidom u priloženu dokumentaciju, neosporno je da je izabrani ponuđač najbolje ocijenjen zbog prihvatljivosti ponude i ponuđene cijene.*

*Iz navedenih razloga, primjenom člana 70.stav (1) Zakona o javnim nabavkama, odlučeno je kao u dispozitivu.*

*U PRILOGU ODLUCI: Zapisnik sa ocjena ponuda: 07-01-924/21 od 29.11.2021. godine.*

*POUKA O PRAVNOM LIJEKU: Protiv ove Odluke može se izjaviti žalba, najkasnije u roku od 5 (pet) dana od dana prijema iste.*



**Dostaviti:**

- ponuđači 3x
- Komisija za javne nabavke
- a/a

